



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bernardini Scardaeonii Patauini Presbyteri de Castitate Libri Septem

Scardeone, Bernardino

Venetiis, 1542

Dandam esse literarum studiis aliquam intermissionem cap. xxx

urn:nbn:de:hbz:466:1-30433

LIBER SEPTIMVS. 254

Dandam esse literarum studiis aliquam inter-
missionem. Cap. XXX.

Verum si forte literarum studiosiores fuerimus
ut nihil necesse sit fallere his rebus ocium, non
est tamen quod propterea ab eiusmodi exercitia-
tionibus omnino desistamus. Condiuntur enim his
oblectationibus studia, non deseruntur: ut pote ad quas
ex ipsis sane exercitationibus alacrius promptiusque res-
dere consueuimus. Nimirum uita hominis in remis-
sionem, ac laborem æque diuisa est: & inter se ui-
cissim hæc duo rectissime conuertuntur, labor, &
quies, ut scilicet in orbem, labor quieti, quies labori
succedat. Et enim sic se habent res humanæ, ut sem-
per sequatur uigiliam somnus, tempestatem tranqui-
litas, serenum nebula, bellum pax, laborem requies,
seueritatem alacritas, nimiam in quacunque re intensi-
onem remissio: & econuerso. Hinc etiam festi, pro-
fectique dies uidentur fuisse instituti hinc etiam solemus
arcus, lyraque remittere, non tanquam despectas, sed
ut possint, quum usu uenerit, & illi tendi fortius, et
hæc ex interuallo suauius delectare. Studio itaque ali-
quo, seu lectione scripturarum, siue corporis exerci-
tatione tam doctorum, quam imperitorum (ut cuique
expedit) ocium omnino tollendum est: ne quis in-
terim aut malis artibus diaboli, aut sua ipsius oppri-
mi possit ignauia. Quod consilium sane quicumque
neglexerit, in magnas mox sollicitudines incidat, nec-
esse est, omni postmodum negotio duriores, iuxta
illud uerum, et elegans prouerbum. Negotium
ex ocio. Multa quoque alia idonea exercitia, atque
honestæ oblectamenta esse, non ignoro, quæ ad id fa-
cere possent, sed longum esset omnia referre, tan-
tum peto, ne improbentur ullo pacto honesti, &
moderati labores: quandoquidem, ut indiuinis literis
habeatur, ita nascatur natura homo ad laborem,

Adol

2. 832.1

V. 102.6

DE RATIONE COERCEN. LIBID.

Job. 5.

ut auis ad uolandum, Sunt qui sciant fallere ocium, et leuare studiorum fastidia musicis concentibus, & interdum exercitationis loco, cantu, fidibusq; sese oblectare: quod nequaquam esse improbandum ducimus, quum dicat, D. Augustinus in libris de musica, eum non esse harmonice compositum, qui harmonia non delectatur. Innumeri ferme fuere, & sunt in presentia doctissimi uiri, atq; et, continentissimi, qui animi causa, & ad leniendum laborem studiorum, & ad ocium fugiendum soleant certis horis sese his modulis delectare: & hac una re potissimum animi sui tristitiam consolari: ut de Dauid sancto,

1. Reg. 16.

& Saule rege in sacris regum gestis perhibent, De tristitia autem, quae fugienda sit Paulus Apostolus in secunda sua ad Corinthios epistola ita differit. Quae enim

2. Cor. 7.

inquit, secundum Deum tristitia est, poenitentiam in salutem stabilem operatur: saeculi autem tristitia mortem. Tristitia quidem secundum Deum est, dolere se peccasse, & satisfacere pro delictis, et propterea dicitur poenitentiam operari: at saeculi tristitia est angere ob egestatem & egritudinem, & incommoda, ac aduersa huius mundi, quae plurima sunt, et haec operatur mortem, id est peccatum: quum quis ea patienter ferre non possit, et afflicto tatur nimia tristitia: & iccirco quibuscumq; rebus possimus, fugienda haec est nobis, ne per eam in mortem incurramus aeternam. Verum tamen & in his, et in ceteris exercitationibus (ut huic tandem parti finem ponam) noscat unusquisque quid sibi potissimum expediat, suoq; ingenio conueniat magis, atq; ad id applicet sese, quod conducere nouerit negotio, et professioni castitatis. Non est ignauorum, aut delicatorum (mihi credite) seruare castimoniam, sed strenuorum tantum, ac fortium, qui non runt aduersus concupiscentias carnis, in acie semper parati stare: semper decertare, semper uincere.

De meditatione, contemplatione, et oratione. Ca. XXXI.